

*Quando idem imperator (Henricus) [a] totam Siciliam
et Apuleam subjugavit [b].*

CAP. CXII.

Item anno MC nonagesimo quarto, praefatus imperator cum infinito exercitu intra-
vit Apuliam, quam totam cum Sicilia sibi in brevi subjugavit, reddens personis et
locis dignam pro factis mercedem [e]. Filium vero [d] regis Tancredi jam defuncti,
cum matre [e] et sororibus et praefatum Margaritum multosque alios barones in
Alamafniam, ut nos videmus, cum pecunia infinita duci fecit captivos (88).¹

Quando idem imperator Henricus honorifice receptus est a Faventinis.

CAP. CXIII.

Item anno MCXCV, dum praefatus imperator veniret ex Apulia, honorifice receptus
est a Faventinis, quibus imperialem bona voluntate dignatus est impendere gratiam.
Reversus autem ultra montes, dum quasi [f] in propria patria quiescere vellet, et
neminem fatigare labore vel impensis [g], ecce subito nunciatur [h], quosdam sce-
lestos et proditores contra imperium in regno Apuliae laborare. Tunc congregato
exercitu, quasi invitus [i], illuc properare [A] laborat. Cognita igitur veritate et pro-
ditorum nequitia, vicem pro meritis reddit quibusdam [B]. O quanta mortales angit
anxietas, affligit cura! Currunt quotidie [j] et discunt mortales. Per saepes [k]
et semitas ascendunt montes, transcendunt colles, transvolant rupes, pervolant alpes,
requirunt regna [l]; et cum universos labores, quibus frustra sudaverint [m], plene
considerant, vident profecto in omnibus vanitatem, ut ait Salamon, et afflictionem
animae, et nichil permanere sub sole. Proh dolor! ecce princeps tantus, qui fere
imperaverat orbi, unius febris fervorem nullatenus effugere valuit [e].

[a] imperator (Henricus). Henricus a me additur, ut clarius procedat narratio. — [b] Apuleam. In
C. M., modo Apuleam, modo Apuliam invenio. — [c] pro factis mercedem. Sic cum C. V. lego. In C. M.
videtur scriptum: praefatis mercedem. — [d] Filium vero: nempe Guilielmum nomine. — [e] cum ma-
tre: nempe Sibilla. — [f] dum quasi. Sic C. M.; sed melius puto, ut habet C. V., dumque. — [g] vel
impensis, C. M.; vel expensis, C. V. — [h] subito nunciatur. Sic C. M.; subito nunciavit, C. V. —
[i] quasi invitus, lego. In C. M., invictus; in C. V., quasi invicem. — [j] currunt quotidie. C. M.,
cotidie. — [k] Per saepes, C. M.; prosequens, C. V. — [l] requirunt regna, C. M.; requirunt regnum,
C. V. — [m] frustra sudaverint, C. M.; frustra sudaverunt, C. V.

[A] Anno nempe MCXCVI et seq.

[B] Haec a Cl. Muratorio vario modo narrantur.

[C] Non igitur ex veneno propinato obiit, ut quidam referunt.